

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Broj : 10/E-11-6577/25
Sarajevo: ~~05-03-2026~~ godine

Na osnovu člana 45. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Kabineta općinskog načelnika – Odsjeka za javne nabavke od 09.02.2026. godine, Opštinski načelnik d o n o s i :

O D L U K U **o isključenju iz učešća u postupcima javnih nabavki na period od 12 mjeseci**

Član 1.

Isključuje se iz učešća u postupcima javnih nabavki koje provodi Općina Centar Sarajevo (u daljem tekstu: Ugovorni organ), ponuđač „**TENNECO ING. d.o.o. Kiseljak, sa sjedištem u ulici Josipa bana Jelačića br. 21, 71250 Kiseljak**, na period od 12 (dvanaest) mjeseci, počev od dana stupanja na snagu ove Odluke.

Član 2.

Razlog isključenja iz člana 1. ove Odluke su utvrđeni značajni nedostaci tokom provođenja postupka javne nabavke za izvođenje radova na tekućem održavanju stepeništa u ulici Behar, čija je posljedica bila poništenje odluke o izboru najpovoljnijeg ponuđača, kao i postupka predmetne nabavke.

Član 3.

Ponuda isključenog ponuđača neće biti uzeta u razmatranje u svim narednim postupcima javnih nabavki koje će provoditi Ugovorni organ, a sve do isteka roka od 12 mjeseci od dana stupanja na snagu ove Odluke.

Član 4.

Ponuđač „**TENNECO ING. d.o.o. Kiseljak** može u roku od 5 dana od dana prijema ove Odluke, u skladu sa članom 45. stav (7) Zakona o javnim nabavkama („Službeni glasnik BiH“, broj 39/14, 59/22 i 50/24), ugovornom organu dostaviti dokaze o mjerama koje je poduzeo kako bi dokazao svoju pouzdanost, bez obzira na postojanje relevantne osnove za isključenje.

Član 5.

Ova Odluka odluka stupa na snagu danom donošenja, a primjenjuje se od dana njene pravosnažnosti.

Član 6.

Ova Odluka objavit će se na web stranici Ugovornog organa, istovremeno sa upućivanjem iste isključenom ponuđaču iz člana 1. Odluke.

O b r a z l o ž e n j e

Postupak javne nabavke za izvođenje radova na tekućem održavanju stepeništa u ulici Behar, pokrenut je Odlukom broj: 10/E-11-6577/25 od 21.11.2025.godine. Procijenjena vrijednost javne nabavke bez PDV-a iznosila je 130.893,00 KM. Nabavka je pokrenuta putem otvorenog postupka, sa utvrđenim kriterijima „ekonomski najpovoljnija ponuda“ 1. Cijena 95% i 2. Rok izvođenja 5%. Na Portalu javnih nabavki objavljeno je Obavještenje o nabavci broj: 848-1-3-145-3-235/25 od 28.11.2025. godine. Nakon objavljenog postupka i tenderske dokumentacije, izvršeno je javno otvaranje ponuda, te je na prijedlog Komisije za nabavku roba, usluga i radova III donesena odluka o izboru najpovoljnijeg ponuđača „**TENNECO ING“ d.o.o. Kiseljak**. Na Odluku o izboru najpovoljnijeg ponuđača broj: 10/E-11-6577/25 od 25.12.2025. godine nije bilo žalbi. Međutim, dana 03.02.2026. godine, izabrani ponuđač je dostavio obavijest da nije mogućnost pristupiti potpisivanju ugovora, iz razloga što je dana 29.12.2025. godine dostavio tražene dokaze po članu 45. Zakona o javnim nabavkama, koji su greškom datirani iz 2024. godine.

Kako dokazi po članu 45. Zakona o javnim nabavkama nisu ispravni, odnosno nisu dostavljeno kao originali niti ovjerene kopije, te nisu važeći u pogledu starosti dokaza, (tenderskom dokumentacijom je jasno definisana o obaveza dostavljanja dokumentacije po članu 45. ZJN da ne smije biti starija od tri (3) mjeseca računajući od dana dostavljanja ponude), odluka o izboru najpovoljnijeg ponuđača broj: 10/E-11-6577/25 od 25.12.2025. godine se poništava. Isto tako se poništavanjem navedene odluke, poništava i postupak javne nabavke za izvođenje radova na tekućem održavanju stepeništa u ulici Behar, obzirom da je u postupku predmetne nabavke učestvovao jedan ponuđač.

Imajući u vidu da se nisu ispunili uslovi za zaključenje ugovora o izvođenju radova na tekućem održavanju stepeništa u ulici Behar, predlaže se poništenje odluke o izboru najpovoljnijeg ponuđača broj: 10/E-11-6577/25 od 25.12.2025. godine, a samim tim i poništenje postupka predmetne nabavke.

Na osnovu gore navedenih činjenica, dostavlja se prijedlog za isključenje ponuđača/izvođača „TENNECO ING“ d.o.o. Kiseljak iz postupaka javnih nabavki.

Ponuđač/izvođač „TENNECO ING“ d.o.o. Kiseljak kao izabrani ponuđač u postupku javne nabavke za izvođenje radova na tekućem održavanju stepeništa u ulici Behar, odustao je od dodjele ugovora samim postupkom dostavljanja nevažeće dokumentacije po članu 45. Zakona o javnim nabavkama, te time doveo ugovorni organ u nepovoljan položaj. Naime, samim poništenjem odluke o izboru i predmetnog postupka, planirana budžetska sredstva nisu utrošena za planirane radove.

Imajući u vidu sve navedeno, Ugovorni organ utvrdio je, da je ponuđač „TENNECO ING“ d.o.o. Kiseljak svojim nesavjesnim ponašanjem (dostavljanje nevažećih dokaza po članu 45. Zakona o javnim nabavkama) bez učinjenih pokušaja da dokaže svoju kvalifikovanost, demonstrirao izostanak temeljnog poslovnog integriteta, dopustivši da se ne izvršavanjem realizacije plana nabavki i predviđenih budžetskih sredstava za izvođenje radova, te prouzrokovao nesagledive štetne posljedice.

Navedeno ponašanje ponuđača, u skladu sa članom 45. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24), predstavlja osnov za isključenje istog iz svih postupaka javnih nabavki na period od 12 mjeseci, računajući od dana stupanja na snagu ove Odluke.

Ponuđač „TENNECO ING“ d.o.o. Kiseljak može u roku od 5 dana od dana prijema ove Odluke, u skladu sa članom 45. stav (7) Zakona o javnim nabavkama („Službeni glasnik BiH“, broj 39/14, 59/22 i 50/24), ugovornom organu dostaviti dokaze o mjerama koje je poduzeo kako bi dokazao svoju pouzdanost, bez obzira na postojanje relevantne osnove za isključenje.

Analizom postupaka Ugovornog organa i ponuđača „TENNECO ING“ d.o.o. Kiseljak, jasno i nedvojbeno utvrđenih činjenica i okolnosti koje su dovele do isključenja, odlučeno je kao u dispozitivu ove Odluke.

Ova Odluka objavit će se na web stranici Ugovornog organa, istovremeno sa upućivanjem iste isključenom ponuđaču iz člana 1. Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke.



Dostaviti:

1. „TENNECO ING“ d.o.o. Kiseljak
Ul. Josipa bana Jelačića br. 21
71250 Kiseljak
2. Službi za stambene i komunalne
poslove,
3. Kabinetu općinskog načelnika -
Odsjeku za javne nabavke,
4. Evidenciji